


551
22

TENTAMEN MEDICUM DE CHOLERA MORBO,

QUOD, Deo duce & auspice Dei-Parâ in augustissimo Ludovicæo Monspelienfi, tueri conabitur, FRANCISCUS-ANTONIUS DELFAU, Tulellensis, apud Lemovicenses, nunc in partitione de *la Corrèze*, liberalium artium Magister, nec-non Medicinæ Alumnus, pro trimestri julii 1791.

Pro baccalaureatus gradu consequendo.


CHOLERA morbus dicitur affectus qui consistit in simultaneo aut alternanti vomitionum alvique dejectionum concursu. In quo ventriculus & intestina vehementer torquentur & motibus insolitis spasmodicis convulsivis agitantur. Materies in hoc morbo supra infraque erumpens biliosa præcipue, attamen pituitosa, æruginosa, nec-non ipso cruore permixta aliquoties deprehenditur; quod præsertim probatur varietate coloris quem sortitur, scilicet modo flavi, modo viridis, modo nigri, &c.

Distinctio cholerae à veteribus admissa fuit in siccam nempe & humidam (apud *Hippocratem*) in idiopathicam & symptomaticam, & exempla nonnulla harumce specierum leguntur apud *Riverium*, *Sydenhamium*, *Frid. Hoffmam*, & alios. De prima specie nobis nunc sermo non erit; hanc circa tantum annotandum venit quod sicca dicatur cholera, quando intestina & ventriculus adeo flatulentis vaporibus distenduntur ut inde orientur anxietates summæ, tormina sævissima quæ vix etiam paccari possunt ipsismet flatibus copiosa quantitate supra infrave simul erumpentibus.

Acutissimè procedit hicce morbus cum uno quasi impetu manifestetur sæpissimeque prima aut secunda die terminetur & nisi raro ad quartam & septimam usque nunquam protrahatur, hinc recte *Aurelianus*, acutissimam dicit & celerrimam passionem quæ ferè nunquam in alterum transeat diem; vehementissimis stipata est doloribus cardialigicis & malocitissime ingravescente sitis magna persequitur, accedunt spasmi, pavores, membrorum contractiones, virium debilitas, prostratio, graves anim

defectiones , sæpius synopticæ , horrendæ convulsiones , sudores gelidi , instantanea tandem mors nisi promptissimis indicatisque auxiliis succurratur æger.

Ex sectionibus anatomicis id notum est quod materies morbifica quæ gravissima hæc procreat symptomata intus etiam actionis propriæ profunda imprimet vestigia. Sic in cadaveribus hoc morbo defunctorum deprehenduntur ventriculus & intestina præsertim gracilia & speciatim magis duodenum maculis fuscis lividis conspurcata , gangræna rosionibus deturpata , &c. *Bartholinus* , *Riolanus*.

Incusanda venit ideo causa proxima actuosissimæ naturæ quod constanti fidelique observatione confirmatur. Bilis enim cujus secretio acuta fuit à quacumque causa peculiari & quæ copiose effunditur in canali alimentario , vitiata præterea qualitatē retinens , causam hanc materialem constituere demonstratur (*Cullen*.) Sic etiam tanquam causæ mediatae habentur alimenta fermentescibilia , inæqualia contrariis , frontibus sibi occurrentia , nimirum « *lac , fungi , melones , mustum , ova piscium pinguiorum , &c.* » *Wedelius*. » Sic etiam purgantia & emetica aciora vel nimia quantitate assumpta , qualia sunt antimoniatā asarina , helleborata , &c. Sic tandem venena corrosiva , caustica , potissimum arsenicum , mercurius sublimatus , *Forestus Salmuth* , nec-non gravia animi pathemata v. g. fortis iracundia , vel inter ipsum pastum , vel si quis ut ait *Hoffman* , « quod pessimum » est statim post iram emeticum aut purgans aliquod sumpserit. »

Omni jure incusandæ quoque veniunt tanquam causæ saltem procataricæ æstiva scilicet & fervedior existens tempestas , tali regnante constitutione , nimia subitaneaque corporis præsertim pedum refrigeratio , frequentes crapulæ tam vinosæ quam cerevisariæ , &c. *Sydenham* tandem cholera potissimum infestat juvenes quorum biliosa ficior & cholericæ est constitutio frequentissimeque scorbuticos adoritur cacheticos & hypochondriacos.

Nunquam vel saltem per raro in sensu *Cullenii* pyrexia stipata procedit & quamvis irregulares , & velociores adsint pulsus , & respiratio. Hæc symptomata , sicut ait expresse author ille clarissimus , generatim remonentur remediis quæ affectiones spasmodicas in hoc morbo peculiare destruunt , ita ut nulla supersit ratio ad suspiciendam pyrexia propriæ dictæ existentiam. Attamen cholera speciem observavit *Morton* cujus paroxysmi accessus sæpe tertianæ febris , raro quartanæ sæpius vero tritæopheæ insequuntur. Haud dubie in hoc casu cholera non tanquam morbus essentialis sed tanquam symptomaticus duntaxat existimanda venit. Cæterum nostrum

nunc non est lites componere circa veros limites qui cholera essentialē distinguunt ab aliis morbis cum quibus complicari, à quibus etiam pendere potest. Vide *Sagar, Sauvages, Cullen* & alios nosologistas.

Eo gravior cholera morbus habenda est quo magis excrementa à statu naturali recedentia, ut livida nigra aut loturæ carnis similia excernuntur (*Quarin*) eo certius videtur periculum quo intensiora symptomata gravia, nempe animi deliquia, virium prostratio, singultus, convulsiones, extremorum frigus; « morbis quibuscumque, ait *Hippocrates, aph. 22, lib. 4, si* » *bilis atra vel supra vel infra exierit lethale.* » Non minus periculosior cholera, si vel juniores, vel seniores, vel jam morbo quolibet debilitatos infestet; si bilis caustica sanguine atro permixta dejiciatur, tandem si compressis excretionibus reliqua persistant symptomata *Sydenham, Hoffmann.*

Ex supra dictis de signis & causis cholerae legitima patet ipsius curatio quam præterea confirmavit longa felixque experientia. Porro prima indicatio in eo versatur ut morbifica materia corrigatur, attemperetur, ad exitum disponatur; quod obtinetur aquosis mucilaginosi demulcentibus. Itaque ad hunc scopum egregiè adhibentur aqua pulli junioris copiosius hausta; aqua ipsa temperatè frigida, vel etiam cui adjungitur succus citri acidulus cum saccharo. Non minori cum successu usurpatur ipsum lactis ferum cui merito tribuitur intensam sitim extinguendi optima facultas, solemni etiam efficacia emollientes clysteres non parum laudantur.

Nec tamen diutius insistendum in istis omnibus nam sæpe sæpius adeo vehementer premit motuum præternaturalium impetus ut citissimè in summum vitæ discrimen adducantur ægrotantes, ideoque periculum adsit in mora. Tunc è contra simul interponenda antispasmodica anodyna quæ ad mitigandas spasticas, convulsivasque fibrarum nervosarum constrictiones plurimum valent: inter illa palmam meretur opium & ejus præparationes, quarum doses repetendæ pro necessitate: « ego centum & amplius ægros » cholera affectos tractavi in quibus vix elapsis aliquot ab accessu ægritudinis horis, singultum, debilitatem summam, oculos caliginosos, & » pulsum inveni vix sub sensu cadentem; itaque mox ad opium confugiendum fuit..... nunquam me hujus methodi pœnituit. Etsi clar. *Young* » asserit frequentius nocere opium nisi acre vomitu ante expulsum sit. » *Quarin.* » Tunc etiam & ad eundem finem celebrantur externa paregorica & anodyna v. g. cataplasmata vel sacculi herbis aromaticis (ubi debilitas urget cum vomitu) rore marino, salvia, mentha, &c. &c. repleti, nec-non linimenta aut applicationes aliæ quæ cuncta ab authori-

bus sparsim commendantur. Apponi possunt & etiam semi vesicantia, tandem motibus spasticis ventriculi & intestinorum consopitis, nec-non doloribus mitigatis. Tertia & ultima adimplenda venit indicatio cui satisfaciunt roborantia tonica & facilis victus; nam præcipuus hujusce morbi effectus est destructio aut saltem gravis imminutio virium tonicarum in toto corpore, sed peculiariter in partibus affectis. Itaque ad vires erigendas corroborandas indicantur, & maxime prosunt cortex peruvianus, rhabbarum, vinum, &c. extractum corticis peruviani seligendum putat *Quarin*, sed facile videre est quod medicus dirigi debeat tam in selectu horumce medicamentorum quam in duratione illorum usus circumstantiis peculiaribus quæ diversæ apud diversos ægros oriuntur. Jam penitus superato morbo facili utendum victu, animi pathemata vitanda, corpus jucundè exercitandum ut sæpius frequentes præcaveantur recidivæ.

FINIS.



ARGUMENTABUNTUR

ILLUSTRISSIMI PROFESSORES

D. PAULUS-JOSEPHUS BARTHEZ, *Universitatis
Cancellarius.*

D. GASPARDUS-JOANNES RENÉ, *Decanus.*

D. ANTONIUS GOUAN, *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D. JOANNES-BAPTISTA-TIMOTHEUS BAUMES.